

Садакъала къадриличила

Гъачам Гяйшатли сунес къараваш асиб. Илхели Жабрагил малайк Идбагичи ﷺ каџиб, ва къараваш рурси жагъаннабла агъдулизирад ригъни сабабли, дуглаахъес буриб. Гяйшатли ил рурси ца чумиздаг (финик, хіяжла хурма) бедили рархъиб. Гъуйчиб илини байхъала чумиздаг беркун, беркес ралкълеурси бутла садакъа тиладибарисилис бедиб.

Габдуллагъ МухІяммадов

Жабрагил малайк ﷺ Расулулагъличи ﷺ сагадан вакџиб: «Ил къараваш чаррара: чумиздагла байхъала садакъалис бедни багъандан, ил гъалжанала агълула луглилизил карерхур».

Хіядис: «Чумиздагла байхъайчилра жагъаннаблизивад тядивии».

Ашкарси саби, садакъа адамла жагати баркъудлумазибад биъни: шинни цаван садакъали Аллагъла гъими билшахъу ва бунагъуни ицу.

Садакъа саби: бархъдеш кабизахъни, бархъси хлукму дурасни, гъимбуџибти даршубарни, адам машиналичил, ябуличил... мурдаватни, мурдайахъес кумекбарни, гъайгъай, садакъа саби, илала ваяхл кадихъес яра хъули детахъес икъалавиъни, гъяхлси гъай бурни, дехлибайчи аркъухлели гъар ганз. Хіядисуни хіясибли, садакъа саблин лукла гъуйчиб адамгас диргалабулхъуси секлал (къаркъа, занзи, урцул ва ц.) убасни, гъяхл барахъес царайс кумекбарни (амма вай барахъес гъирварни, глеббурни, арукни, кумекбарни ва ц. деклси бунагъ саби). Садакъа лукла Аллагъ ﷻ чевяхварнилис, хіяжлис, дуббуцарлис, адам хіярирхъухлели бутлакъандеш дарнилис, вебкџибсила беглти лайхлебакџили, илдачил бархбас калахънилис, илдачил марайдеш буртџинилис, илаб гъяхлси гъай, балга бирнилис, глемч бушибхлели «Алхіямду лиллагъ» ибсилити «Ярхіямукаллагъ» (Аллагъли урџеџи бараб) или жаваб беднилис, салам бедисилис ва ц. «Аллагъ багъандан» ибгас, уџра глеббиур, илдала цацадехлти



«Бисмиллагъличилра» дехлдирихъу. Хіядис хіясибли, дехлибала дарнилисра садакъа лукла, сенклун илди дарнилизир къаркъа чумал бирклай бутлакъандеш диру. Дех чебихъес, убасес яра хъули бетаахъес кумекбарни някъбала ва къашмала садакъа саби. Адамла лезмила, мухлџила, урџила садакъа саби гъяхлси гъай, бархъси гъуйчи кайзахъес насихлџат. Исламла багъудлума тџинтџидирни ва ц. **Садакъа саби:** сунела хъалибарг абиџкъес харжани, гъарил гъяхлси баркъуди, царалис зарал хлебарни, хіяжатиџиб някъли кумекбарни (гъяхлси баркъудилизџиб), урхлла бадирилис шин керџни, узис пишвахъни ва ц.

Садакъа – хіячми гъалжанализирси, къялубли ванзаличирси галгагъуна саби. Сахаватдешличил илди къялубли дущес дикибси гъалжанализи аркъян.

Садакъала жураби

Садакъа бирар клел журали: лебдешла (мас-давдала), гъайла, гъяхлти баркъудлумала.

а). Расулулагъла хіядисуни хіясибли, гъайла ва гъяхлти баркъудлумала садакъализи кадурхар – унралис, тухумлис, бусурмайс гъяхлбиубли дигни, улгни. Гъяхлси гъай (лебдешла имкан агара биаллира).

Номерлизир:



Жагасилис аркъусив яра-дин бузахъусилис?



Хіясан аль-Басриличила



Ятимтала маслизибад садакъа бирни

Аллагъла ﷻ хіикматуни

Гилмули ва баянта бикъридеш дирули сари: «Аллагъ ахленси Аллагъ агара, МухІяммад-Аллагъла расул сай»

КъурамухІяммад-хіяџи Рамазанов

Дехлибала дируси галга

Австралияла бусурмантала гъяхлбаркъла проектунала шайчибси ассоциацияла студентунани Морснорелизџибси дуцџрумла лагерлизиб бамсриихъухлели, 1993 ибил дусла декабрьла 30-чиб (гъижрала 1414 ибил дусла раџаб базла 17-личиб) бусурман адамли дехлибала дируси замана вайла чедилайчил

суждабирухлеливан (рукуг) кабизурси галга баргиб. Гъатџира тамашала саби, ил галгали сужда Маккала шайчибяхл (къиблала шайчибяхл) бирули биъни.

Бялихъла шайзи "Аллагъ" или белкџири

Сенегаллизив хлерируси Джорџ Уэхбе Дакар шагъарла мякълав бялихъуна урцулри. Ца бархл иилини дахъал бялихъуни дуџиб ва ил левглев разили хъули чарухъун. Муруй дуџибти бялихъуначи хлеририрхлели, Уэхбела хъунуй бялихъунала урџаб цархлџитачи беклџил мешули ахленси ва гъяџаибси бялихъ хіясиббарџиб. Бялихъ 50 сантиметрлагъуна бухъандешличилси сабри ва илала шайзиб гъярабла

алипуначил се-сабил белклунсигъунари. Амма ил белкл адамла някъли барџибси хлебиънира багъеслири. Бялихъла шайзи гъяраб мезли "МухІяммад" – "Аллагъла лагъ", "Илала расул" или белкџири.

Мирхъилира Аллагъ ﷻ валули...

2001 ибил дусла дуцџрум Дагъиста Шамилла районнизџибси Телетлила шилизив хлерируси Мутлџалибасул МухІяммадла урши Гъяли, мирхъила варъа кайсухлели, лебглеб тамашала анџлбукъличи вяхлџиб: варъаличџилси мурџлџилила шайзи чихъли гъяраб мезли "Аллагъ" или белкџири.

«Аллагъла гъуйчив алхунси вебкислизи вейгес хейрар».

Бусурмантала уммат ца гъатИ гяХисигъуна гялимслизибад мяХИ-румбиуб. Буйнакъслизиб маш-гъурси гялим, шагъарла имам Гябдулгъапууров Мухъяммад-хяжи ва илала къараул-мутагълим (ученик) Мухъяммад Расул Мяхъяммадов кабушиб.

Ибрагъим Ибрагъимов

Имамра илала къараул-мутагълимра савлила дехИибала дарес мижитлизи аркъухИели баргберд дураберкиссири. Азанна гIама хIебикбанбариб тротилла баргбердбси гIамали. Лебси мерличиб Мухъяммад-хяжира Мухъяммад Расулра алхун. Бархъаначи буралли, хIебиклибну, ЧевяхИсила ☞ ряхИмучевдешличичи гъамбиуб ва чула шабагъат касиб. ЧевяхИси Аллагъ ☞ дурхъаси Къуръайзив викIули Сай (мягIна): «Аллагъла гъуйчив алхунти бекIибтази бейгес хейрар, илди мицирли саби, илди Аллагъличиб ☞ саби! Илдас чула Аллагъли ☞ пергерси къисмат бедиб! Аллагъли ☞ Сунела малхямдеш (хIурмат ва къулайдеш) пешкешдарни багъандан илдала дяХI разидешли шаладарили сари)» («Аль-Пимран» сура, 169, 170 аятун). Илди ЧевяхИсила ☞ гъалабси чула чебла ахъес багъандан чучи хъарти дехИибала дарес аркъулри, амма мижитлизи савлила дехИибала дарес аркъуси гъуйчив ца туке ганзухълиу кабихъбси бомба баргбердб. Савлила дехИибайс бучIуси азанна гIамалиуб, жумягI бархИ, умути къасаначил иш жаргаси дунгъа батни сегъуна талихIал. Чумал дус гъалавра Мухъяммад-хяжи кавшес къасбарибсири, итхели вайнукъябала гъархIебизур. Бусурмантас дурхъаси жумягI бархИ савлила дехИибала дарес аркъухИели, сунела гъарил ганз Аллагъ ☞ разиварес багъандан кайцIухIели, илис сягIят сабаиб. Гъайгъайра, илгъуна бекIали ЧевяхИси Аллагъла ☞ гъалаб илала ахъси даража чебиахъули саби. Ил багъандан иличи децIикIес асухIебирар, сенахIенну Аллагъли ☞ сунела малхямдеш (хIурмат ва къулайдеш) илис пешкешдариб.

Исламла чевяхИси гялим вебкIили, черяхИги багъудлума хIяридикъили, гIелар калунти нуша багъандван децIдикIес гIягIнили саби. Идбагла ☞ «Бухари» сборниклизибси хIядислизиб белкIи саби: «Мармарли, Аллагъли ☞ сунела лугъри багъудлумазибад мяХИрумбарили илди керисули ахIен, амма Илени гIялимти арбукули Сай, илдачил багъудлума ардихули. Илени цалра гIялим мицирли хIеталли, адамтани чус камси багъудиличилси гъавкъяна чевиркIу. Илдигъунтази лугути суалтас жавабти чардарес хIебалули, илди сабира чеббулIан, цархИлтира бирхахъу!» (СахИхIул Бухари № 100). Ил хIядисли бурули саби, нушала гъалар Исламла жузи, Къуръан ва Суннат лерли диалра, гIялимти бубкIалли нушани багъудлума детихъахъулра, сенахIенну гIялимтани сари адамтас дурхъаси Къуръаннара Идбагла ☞ суннатлара мягIна баянбириси. Тяп илгъуна Исламла хIекъдеш аргъесли баянбириси сайри Мухъяммад-хяжи Гябдулгъапууров.

Мухъяммад Шагъарла БекIибси жумягIла мижитла имам Саадиев Мухъяммад-Расул: «Нушала вебкIибси узи, шагид Гябдулгъапууров Мухъяммад-хяжи жагъхIейчивад Исламлис ва Исламла гIилмулис сунела гIямру харждарибси адам сай. Илала бегIлара дигуси баркъуди сабри жузи дучIни, илди руркъни, гIялимтазирад багъудлума кайсни. Ил адамла гIяхIдешли, СССР бехъубли гIергъи, илала шилизиб Ислам дебали ахъбиуб, Исламла багъудлума Исламла гIядатунти тинтIдиуб. Совет хIукумат лебайра иличи бахъал адамти цалабиркутири ва Исламла гIилму, Исламла мез руркъутири. Чинав виалра ил чекайзурси ва жигарчевси сайри. Илени азгъиндеш дарили гъанхIебиркур, ил савли жявли вехIихили, бархИ ахъайчи, сай дебали инжитируси сунела нукъсанси арадешличичи хIерхIеили, Исламла гIилму тинтIдирули узусири. Я Аллагъ илала гIибрат адамтала уркIазиб калаб, илини Исламла багъудлумазиб ва Идбагла ☞ суннат руркънилизиб чеалкIути наслубала



вакилти уркIичеббараб, ва ил Шагидла хIурматличи лайикъикаб, ва ну вирхулра сунес дигусигъуна талихI илис къадарбиъниличичи». Мухъяммад-хяжи Гябдулгъапууров Дагъиста дахъал районтазив имам сайри. БалгIнала кумекличил адамтала уркIазиб гъамадли гъуни бургуси ил, бикIуливан, бегIлара къиянти ва дахъал дарести лерти мераначи бархъдеш аргъахъес багъандан урхъусири. Илала бузери бехIибхъибсири 1998 ибил дуслизиб, итхели Дагъиста Динна управлениели ил сай акIубси Батлухлизивад Дылымлизи вархъиб. Илав ил дебали хIяжатлири, ва бахъал адамти бархъси гъуйчи кабизахъес ил бажардикиби.

Муфтийла заместитель ХIябиб-хяжи Маматханов:

«Гябдулгъапууров Мухъяммад-хяжичила жумягIунадли ва бузрадли гъайикIес вирар. Ил сунезиб баракат лебси, сунела дагъриличичи чекайзурси, ЧевяхИси Аллагъли ☞ Ислам тинтIбарахъес кумекбарибси адам сайри. Дагъистайзиб илини дебали халаси хIянчи бариб. Районтала центртазив, шагъуртазив, шимазив ва цархИлти мераначив гъайулхъуси иличи халаси пикри бяхIичиусири. Мажлисличир лугути лерилра суалтас, илала мурхъги багъудлума пикрилизичи кабили, илаб къаршибикити гIялимтани, илизи жавабти дедахъес хъарбирисири. Адамтани илала халаси хIурмат бирнилис бикърили бетатур ил гIергъиси гъуйчи гъуниватес бахъал адамти цалабикнира. Гъайсначи хъарахъибти, башес ахъри агарти бухънаби бархли бакIилри. Ил тамашабизеси ахIен, сенахIенну гIялимла бекIа – лебил дунгъа бекIа саби, бикIар. Я Аллагъ, Мухъяммад-хяжила ученикуназибад даршани ва даршани сайгъунти бетааб, илизибад гIибрат касес нушаб ахъри габ, Аминь!».

Илди багъандан жявлил жагъаннаб бисули саби

Дигъай ламартличил адамла гIямру къябиути убяхИги урухтусуначила се-биалра бурес яра белкIес дигули ахIенра. ЧевяхИси Аллагъли ☞ илдигъунтачила буриб: «Балу-балули бусурман кавшибсилис гIенна тамбихI бирар ва ил илав дамилс кавлан. Иличи Аллагъ ☞ гIимукIили ва гIяйиббирули Сай. Илис Аллагъли ☞ кахси тамбихI хIядурбарили Сай» («ан-Нисаъ» сура, 93 аят). Ил багъандан илдигъунти динна вакилтас ламартдеш дарибти нажасунас иш дунгъаличиб тамбихI хIебарили калатра, итил дунгъализиб кахси тамбихI хIебарили кахIевлан. Илди багъандан жявлил жагъаннаб бисули саби. Ил багъандан, хIушани Исламла гъалабхI башуси цаакъ гIашаэс багъандан Исламла гIялимти кабурушули, сецад дахъал арц харждарадаллира, хIушала гъархIебилзан, ва илди хIушала харжани «марайдешли детарар». ХIушани шагидла бекIа пешкешбарили, адам талихIчевварес, жагъаннаблизичи хIушаб мер хIядурбарес дирудая, амма Ислам гIашаэс хIушани сеннира хIедирудая! Дагъиста гIялимтала заседаниеличир хIурматла шейх СягIид-афандили дурибти гъай гъандуршехе: «Иш дунгъаличир Гизраили нушала рухI касаллира, Исламлизиб бетакъри бетхIерар. Аллагъли ☞ арякъунсила мерличичи гъатIира дакъувирахъу». ГIялимти кабурушличибли Ислам гIашаэс хъулбикIути душманти хатIабиркули саби. Ислам тинтIбирни гIашаэс вируси ахIен, ва Аллагъла ☞ къудратличичили илис чилра диргалаухъес хейрар. Гъар кавшибсилис къадин Аллагъли ☞ цархИл игит дакъувирули сай ва дин тинтIбирнилизиб Шагидла даража ахъбурцули бусурманти бузули кавлан, иншааллагъ. Нуша Аллагъли ☞ акIахъубтира ва Иличи чардулхъутира! Газетала редакцияли бекIибгIала тухумтази ва гъамтази халаси пашмандеш балахъули саби, лебилра бусурмантас Аллагъли ☞ сабур бедаб.



Учредитель

Благотворительный фонд «Путь». Газета печатается по согласованию и одобрению Духовного управления мусульман Дагестана

Редакционный совет

Председатель редакционного совета муфтий РД Ахмад-хаджи АБДУЛАЕВ
заместитель муфтия РД Мухаммад ДАВУДОВ

Главный редактор

Айна (Патимат) ГАМЗАТОВА

Редактор

Ислам ГАМЗАТОВ

Канонический редактор

Мухаммад ДАВУДОВ

Корректор

Нурулгъуда РАЖАБОВА

Дизайн, вёрстка

Лейла ГУСЕЙНОВА

Менеджер

Абдусабир АХМЕДОВ

Газета зарегистрирована Федеральной службой по надзору в сфере связи, информационных технологий и массовых коммуникаций.

Свидетельство о регистрации ПИ № ФС 77-42079 от 24 сентября 2010 г.

При перепечатке ссылка обязательна.

Набрано и сверстано на компьютерной базе газеты «Ас-Салам». Отпечатано в ООО «Дом печати» по адресу: пр-т Акушинского, 20.

Заказ № _____

Сдано в печать 31 марта 2012г. в 20:00

Тираж 3.000 экз.

Адрес редакции

367015, РД, г. Махачкала, ул. Азиза Алиева, 2.

По вопросам подписки и доставки обращаться по телефонам: по Республике Дагестан — 8-988-699-28-24 по г. Махачкале — (8722) 914-222.

E-mail: assalamweb@gmail.com; www.assalam.ru

Садакьала къадрличила

1 « Царайс вайбирнилизивад сай Гелумилзни. Тухумла, бусурма агиличила багьес унза абхъни. Бусурмайс хялалсилзиб кумекбарни. Адам зулмулизивад верцахъни. Адам гяхисилчи гьирвирни, гяхисилзив гевурцини. Вайси барахъес къадагъабарни. Муруй хьунул шинни рахни. Мурул-хьунул бархбикни («Я расуллагъ, марлира, нушазибад цали сунела къас бетерхахънилис кери бирару? Идбагли **☞** иб: «Ил къас хярамси тяхяри бетерхахъни бунагълизи буйгулрав? Амма ил ихтиярла тяхяри (магъарла мурул-хьунуй) бетерхахъурли биалли, илдас ужра (кери) бирар») ва ц. **Хядис:** «Суннатла зухъ дехлиба кел ракагъатра 360 садакьара цугдиркур». **Хядис:** «Кайхъес гъалаб авна «Фатихя» белчалли, 4000 диргъамла садакьа барнигъуна саби» (диргъам-цубарцда 2,696 грамм), цедешла галга убатни,

хъалибарглис, дурхнас савгъат хибни, бедни, бусурман узилс пишвахъни, салават бушни, тасбихбарни («Субхяналлагъ» викни), тахмид («Алхямдуллилагъ»), такбир «Аллагу акбар» викни, тагълил («Ля илагъа илля ллагъ») ва ц. **б). Лебдешличибадси садакьала чумал жура дирар:**

1. Хъарси садакьа-закат (бедлуга дусли гъачам, гьижра хясибли дус алавбиубхели, нисабличи абикалли).
2. Хъарси садакьа – дуббуцарла сяхъ (бедлуга дуббуцарла базла ахирлизиб, байрамла дехлибала дарайчи)
3. Чесибси садакьа. Ил бедлугуси замана вегли кабилзахъу. Амма чесибси садакьа замана-личиб хегалли, бунагъунази иркур. Масала, больницализивхели чеасили, «Ну аравиасли, ун-руби хинкличичи жибири», «Урши гярмиялизивад чарухъалли, мижитлис 10 000 кьуруш дедлугас» ва ц. Садакьа чеасирив-чеасла заманаличиб таманаа. Чеасибси садакьа хъарси бетарар.

4. Сай гяхгулалли бируси садакьа. Ил бедес кабизахъурси замана агара, амма дурхъати дуги-херилизиб ва зумали бирни къулайли саби. **5.** Сай гяхгулалли бируси – «садакьатун джариятун» (кабухъунси садакьа, къяхъевдуси садакьа) биклуси садакьа. Иличила баян циила гьегъи бирар. **Хядис:** «Сайсусличиб бедлугуси някъ ахъси бирар».

Чис бедлугуси садакьа

Машгурси гялим ва устаз Сягид Афандини «Баракатла багъуддумала хазна» жузлизиб ишхели садакьа чис бедалли къулайсил баянбариб: «Садакьа бедни гяхси саби нушани балугас ва нуша далугас, нушала кумекличичи умутличил хертас, унрубас, гъарахълиб биалра тухумтас, мискинтас, цуръабас. Бурули бирар гяхисигъуна садакьа вегла хъалибарглис – хьунуйс, дурхнас барибси саби или...

(Хъарахъуд бирар).

Адам рухила ва адаб-хияяла шайчив гъалавяхъи вашнилизиб тарикъатла къадри

Тарикъат Аллагълис **☞** тагъят бирнилизиб урки-гъаргдеш сархуси гъуни саби. Лебилра идбагъуни ва гъарли-марли бирхути цархилти адамтили суфийтили бирури. Гъарил адамлис ва арагъеб жамигъатлис тарикъатла къадри динна къадриван халаси саби. Адамличибад **☞** бехлибхъили, диннизиб чебяхъиси даражаличи баибти лебилра адамти тарикъатла гяхидешли баибти саби.

Хияжимурад Гямархияжиев

Урки-рухъи лерилра излумазирад умудиубси даражаличи Идбагъ **☞** ваибси сай, сунна гъамтигъунти балликъянабази сунени чебаахъибси тарикъатла гъуйчив. Ардякъунти даршдусмала чебяхъитигъунти адамти рухлалашали умудешличичи баибти саби тарикъатла гяхидешличибли. Чевяхъисилчи **☞** аркъуси гъуни гъалабизунани бицили саби ва илдигъунти къияндешуназивад мяхкамвиести тяхурти далуси насихъитчи агарли ил гъуни ахъес хейрар, эгер ил Аллагъли **☞** ил гъуйчи вархъейзахъалли. Амма илдигъунти хасдешуначилти адамти дунъяличиб дебали камли саби. Нуша илдачи хъарахъес гягъидеш агара, сенахъенну Аллагъли **☞** нушачи хъарбариб лерилра цакъани ибкъаахъес, ва илхелицун Илини нушаб кумек гьеббихъу. Ибну Хияджар, имам аль-Гъазали, авалра мазгъабла имамти, имам ан-Навави ва цархилти чебяхъити адамти илдигъунтили бетарти саби тасаввуфла гяхидешличибли. Ишхелла заманала дурхъаси шейх чебяхъиси даражаличи ваибси суфий – чиркейлан Сягид-афанди суфизмла къадриличила чебетаахъибси хабар бурили гьегъи, виклар: «Хушаб гъанмабиркахъидая ну Аллагъ **☞** валнила шайчив халати багъуддумала бегъти гялимтала шайзивад гъайкълура или. Ну илдачи ваили ахъенра. Амма, биалра, илди наб дигахъис, илдас гелавадикес ва илдани набчи, Аллагъла **☞** гъунарагарси лагъличи, хъарбарибси имканти хясибли таманбирес кайгъилизив вирус. Ну дигъанати багъуддуми далугазивад ва гяжаибдешуни дирес

хасдешунала бегътазивад ахъенра. Ну халаси гялим ахъенра». Илгъуна урки-гъаргси ва гядатласи адам ветарси сай ил тарикъатла гяхидешличивли. Ашкарливан, имцатигъунти гялимти ва гядатла адамти Иблис чеббалкнилис сабаб-ли детаурти хамдешли, хясаддешли булгули саби. Баягъи илдигъунти излумазибад умубарес тарикъатли кумекбирули саби. Сягид-афандили, рухлалашал адам умувирнилизиб тарикъатла къадри чебаахъес багъандан, гьегъиси мисал лебкули сай: «Чиркейлизиб

урши виалра, илала багъуддуми дилайчир имцали сари, ва багъуддумала хурмат бирули, ну алзес гягъинили саби».

Илкъайдали Чиркейлизиб херирули вири Хямза-хяжи биклуси машгурси гялим. Сунела хьунуй, ярга буи, карилизиб къацъи буцниличила багъурхели, илини илис гур ила рашахъес къадагъабариб. Бурули бирар, илини жузи мурталра ташкайзурли дучусири или. Хьунуй илизи хъарбаиб: «Сен ху ташсири, кайэс асухъебирусив?» Илини жаваб гьиб,



кел адам хербирулри, килисалра Хяжи бикли, илди келра гъарли-мартти гилму руркъяхънила дила мугъаллимти (учителти) сабри. Набзи бяркъяхъурси гъарил хярип багъандан Аллагъ разивабну чучи! Илдани бурули бири гъалаб цуръабала хъулиб шинничилра хупбикес хебирути гялимти бири или. Чиркейлизиб урла наслубазивад Тямасханкъади биклуси машгурси гялим вири. Илала сунелайчир дахъал багъуддумачилси Мухаммадкъади биклуси уршира вири. Урши хъайги ухнаулхъули, дудеш алзусири. Урши ухнаулхъули дудешлис алзес гягъинисив или адамтани хъарбаибхели, илини иб: «Ил дила

кайасли, кайхъес хулулхъас, кайхъасли – усалгъас, или. Нушани чебиули къайда, бунагъласи баркъуди чузибад кахъебикахъесцун ахъи, суфийти кайгъназиб саби кабизалачебдеш хедуэсра, амма чули саби илди багъуддумала ва гяхити баркъуддумала шайчиб цархилтатичиб убяхъли чебиули саби. Гъайгъайра, илкъайда вьшбиклутти гъарли-мартти суфийтигъебли башути адамти саби. Леб бахъал чули саби суфийтази халбирути ва иличибли Исламлис зарал бихути хяга агарти адамтира. Амма, биклуливан, илдигъунти адамти агарси жамигъат хебиар ва гъарли-мартти суфийти илдигъунти багъуди камти адамтачил цугбуцес асухъебиар.

Суфийтили бирутири лебил дунъяличичи чула рухлалашали умудешличил машгурбиубти Мухаммад Ярагъи, имам Гъазимухаммад, имам Шамил, Сайфулла-Къади, Хясан-афанди ва илдигъунти цархилти чебяхъити адамти.

Гъачам ца суфийла, балугълабаибти чучиб селра гяйиб агарти кел дурхъа кабушиб. Илхели сай ил бархил даршубиахъес багъандан илди кабушибсила тухумличичи арякъун. Илгъуна сабур ва рухлалашали цакъ илизиб тарикъатли сари детаахурти. Гъарли-мартти суфийти – илди Аллагъличи **☞** ва Идбагъличи **☞** дигичебти адамти саби. Ил багъандан илдас чузир Идбагъунти **☞** къиликъуни дяркъес ва илди дугзахъес цархилтатичиб гъамадли саби. XX-ибил даршдусла чевяхъиси гялим, суфийтала шайх Хясан-афанди аль-Къахъиби суфийтас, тарикъатгьебтас зарал барибси адамлис заралличил чебхъебирицахъес насихъит белкун. Ил виклусири илдигъунти адамтас кумекбарес мурталра къайгъилизвив вираси ва илдас дугъа бираси или. Суфийти шаригъатличибад селизибалра гъарахъхъебикахъес ил махикли. Илдани Идбагъли **☞** ва асхлбатани къайда, къадагъа-бирусицунра ахъенну, цацахъели асубируси секлабра уббалти, бунагъла секлайчи саби гъамбиэс ва иличибли Исламличичи дамкъа кабиахъес урухъули. Илди мардарести сабабтагъиб хъебашар ва шаригъат дурусли бузахъес кайгъилизиб бирар. Чула мукълурдеш ва клантидеш лерниличичи херхъели, илди Идбагъличи **☞** башули, хяжатбикибси замана гъабзадеш ва кабизалачебдеш чедаахъес мурталра хядурли бирар. Илис бикъридеш дирули сари шейх Шамилла, Гъазимухаммадла ва Хямзатла гямурула гъундури. Илдала гъабзадешличила ва игитдешличила гъаннара хъумартурли ахъен. Илди мурталра гъаббашули бирутири, чула къаршикартала командиртачил асилдешличил гъунибутири. Аллагъла **☞** дин чебяхъибарес багъандан илди саби къурбанбирутири. Илди Чевяхъисилзибад **☞** урухъли, ил багъандан цархилтазибад урухълейки. Душмантачи булан илди къаркъитили хъебири, Исламла къанунтас мартти биъни багъандан.

Жагасилис аркъусив яра — дин бузахъусилис?

Журналла лямцбиклуси мужаллатлизивад кеглевси, демдурти глемсначилси ва чеэс нартгъуна, мурул адам — бахъал рурсби сунечи хьулбиклуси гибрат сай. Илла чарагарли ахмакъ иномарка биэс, илини беглара дурибти ва дурхъати ресторантази ил рикес гяггниси саби.

Муслимат Ражабова

Жагъил хьунул адамла дагърилизиб илгъуна яра иличи мешуси сипат алкьули саби сунела гур-гурла жагъил адамличила. Ил умцла илцадра ахъбиклуги саби, хятта хьунул адамти иличи дусмадли гьуцбиклуги саби, илхелера илдани ил абзлизиб чула жагадеш ва кеглебдеш шулдирни хисабхлебирули. Беглара гяхтигъунти дусми дахъкъалабали шалгердулхъули сари, амма гибратли виэси адам варгес дусличичи дус къиянбулхъули саби. Левси вара илгъуна хякьикъатлизив? Мухлямад Идбагла ❁ хядислизиб чебаахъили саби мурул яра хьунул чеббиркьлугели сегъунти къиликьуначи имцлал пикри бяхъичиусил. Илди-ургар жамигъятлизибси даража, жагадеш, давлачевдеш, динничичекайзурдеш чедаахъили сари. Ахирласи хлукму дурайсухъели, сунечи имцлал пикри бяхъичаэси адамла беклибиубси къиликь — динничичекайзни биэс гяггниси саби. Сен-сабил, рурсбала уркли лямцбиклуси журналла мужаллатлизивадси кеглевси, цуба цулбачил жагали пишяхъибси жагъил адамличичи

алтлуги саби.

Хуша гъачамалра пикридухъунрав гъала-гъала фотостудиялизир сунела черкад «сикрударибси» илгъуна суратлизиб хякьикъатлизибад селра агниличила? Илар адамла къаркъайзир чедиути жагъалти агардарибхелели саби илини сунечи пикри битиклуси. Жагъил адамла уркли-рухъла мурхъдешлизиб се лебал чилилра пикрибирули ахлен. Жагъил хьунул адамтази сунес сегъуна мурул дигулил хъарбаалли, имцлатигъунтала жаваб ишгъуна бирар: «Жагаси, давлачевси, ну гъар-се секлайчил глерруцес виэси». Динничичекайзурси или жаваб лугути, хлейгеси биалра, беглара камти биэс асубирар. Пергъиса замана, чус мурул яра хьунул биркьлугели, баягъи ил къиликь чеббиркьлуги жагъил адамти челис че имцлалбиклуги биалра. Ил бархъсира саби. Иш дунъяличирти гямрулизиб динничичекайзни, Аллагъла амру бихни, гябиддеш, даимти хазнурбачи уркли битиклини, нушаб Мухлямад Идбагла ❁ чебаахъибси гъуникад дашни къяйдали къиматчебси селра агара. Лерилра секлал чераркъян: жагъдешла мерличичи ухънадеш челяркъян, сегъуна дигара давла зимла манзилла бухнаб агарбиэс ва мискиндеш чесадаэс асубирар. Ва чянкли динцун саби гямру керхайчи адамличил кавлуси. Адамлизиб ил къиликь леббиалли, Дунъя Аклахъубсичичи умутбирхъули, иличил валкаркули виалли, илхелели дунъяла лерилра секлайчи, дашутачи ва ардашутачи хлуни гъамадли гъуни бургид.



Расуллулагъла ❁ хядислизиб буриливан, мурул адам хьунул адамличичи илала жагадеш ва давла сабабли хъайчикайрули виалли, илала хьулани гъархедилзан. Эгер илала гябиддеш пикрилизиб касили хъайчи кайалли, илхелели Чевяхъисили ❁ илис сунес сунела хьунуизир чедаэс дигутигъунти жагадешра давлара лебдешра луга. Сунела дагърилизиб сипатлавариб-сигъуна «уртахъ дурхъа» («бой-френд») чеввиклиничичи биалли ил, ахирра-ахир пашманрирар, ва дин бузахъусицун гъарли-марли жагасили, урузкьусили ва гъабзадешчевсили виэс вилар.

Уркли-урклилавад Чевяхъисиличи вирхуси адам хъалибарглизив гъарли-марси кумекчили вилар, ил мурул адам яра хьунул сабил хлерхелели, Исламлис къалли клибехелера цаванти саби. Бухналаси ва чедиласи жагадеш адамла урклила жагадешлизира, паргъатдешлизира дигахъути сари, илди сегъунти дирарал Чевяхъисилис тягъат бирнилизарадра дигахъути сари. Гямрулизиб адамли бархъси гъуни чеббиклалли, Чевяхъисили илис гъар шайчиб кумекбируси саби.

Папрус битиклини заралласи биъниличила гярабунани буриб

Хияж барили Идбагла ❁ дурхъаси ванзаличивад чарухъунси адамла хяланачила бурес гъамадли ахлен. Илгъуна агилизи веги викалицун аргъес вилар. Хияжлизи бякунти ит дурхъаси ванзаличиб хлербирети адамтала гяхтигъунти къиликьунти глерасес хяракатбире. Хлейгеси биалра, вайтицун шалуби глерисуги айхъули саби.

Ислам Хиямзатов

Хияжлизи вякунси дагъистанлай, папрус битиклуси гяраб чеили, иличи гъамиубли хъарбаили сай: «Секъяйда иш дурхъаси ванзаличиб папрус битлакес вирулри хлуни». Гярабла жавабли дагъистанлан тамашавиахъуб: «Папрус битиклини нуни, къадагъаласилизи ахли, заралласилизи халбирулра». Сунела баркъуди баянбиреули гярабли гъатли сегъунти далилти дурибал хлебалас, амма хияжликъяна папрус битиклини къадагъаласи ахлен или лебтачилра жалтази ихъес веихъиб. Илала гъайли асарбарибти цацабехити дагъистанланти папрус битиклини шаригъят хясибли къадагъаласи сабил-ахленал ташмишбиклес кабииб. Ил багъандан, секлал иргъути адамтази бурес дигахъира, папрус битиклини къадагъаласи биъни баянбирети дахъал мисалти кес вилар, сеняхленну ил секлай диннис, хъалибаргла бюджетлис зарал бихули саби ва адамла арадешличичи вайси асар биреули саби.



Ил чисалра дигъандеш ва сагали гъарбарибси секлал ахлен. Танбакули адамла арадешлис халаси зарал бирахъули саби: чархъла гъунар камбирахъу, вайтла чебиан вилар, уркли гъалакли бузахъу, хъехликес кайрур. Цацабехитас гъанбиркули саби, гярабунани шаригъятла къанунти ункъли далуги сари ва илди чедетаахъили дузахъути сари или. Гярабунани держ ва папрус пайдаладирули биалли, ил секлал асубирисилизи халбиреули илдани. «Гярабла гялимтани, имамтани, шуйхрани сен папрус битихлейкьлуги» ибси суал сен ахълебурцули илдигъун-

тани?. Сенахленну ил къадагъаласи секлал биъни балухъели. Адамла хасият ишгъуна саби, вайси ибси бусягъятал глебиси, гяхъисиличи камли пикри бяхъичиу. Танбаку пайдаладарес асубирнигерли дурути сегъунти далилти диэс дирара? Папрус битиклини балхлебикибси баркъуди (макругъ) саби. Или биалли, ил белгили балхлебикибси саби ва асухебирусиличи (карагъату тахрим) гъамси саби. Эгер балхлебикибси баркъуди хяйна тикрар баралли, ил биштгласи бунагъли бетарар. Эгер биштгласи бунагъ хяйна вегилизибад кабикалли, илхелели ил

халаси бунагъличи шурбулхъан. Илкъяйдали, Чевяхъиси ❁ Къуръаннизив виклуги Сай: «Хлушани хлушала гямру беклаличи детмадиркахъидая, хлушани хлуша камадуршидая!» Папрус битиклини багъла-багълали вегили веги каршни ахлену гъатли? Танбакулизир къалли, чула жураличи мешули, агъула 500-личир имцла жура-ла секли лерти сари. Арадешлис, хъалибарглис яра жамигъятлис зарал бихути, сунела тлабигъят хясибли умули ахленти ва хайри хлебихути лерилра секлал нушаб къадагъалати сари. Адамлис пайда бихути лерилра секлал асудируги сари. Илкъяйдали папрус битиклуси адамлис Чевяхъисилис ❁ тлагъят барес гъамадли хлебарар. Танбаку даклибти сари Иблисли (шайтат) кункси хияжатдеш ахъибси мерличир. Лерилра илди дурибтас глергъи адам кайзес вилару папрус битиклини къадагъабарибси ахлен или? Бусурманти, нуша Хияжлизи нушала Исламла шуизил чебла таманбарес, бунагъуназира умудиз или, дашутира! Нушани вайсицун секлал глебисахелли, Хияжлизи дукънила се гяхъидеша? Гъатира урехила — Хияжлизи укъяйчи адамли папрус битихлейкьлуги, дурхъаси ванзаличиб багъуди агарти къалиянчиби чебаили глергъи, сайра веихъихъи. Къалиянчибас чула заралласи хасият бархъбатахъес ва нуша лерилра хлекъси гъуниличичи дурадухъахъес багъандан Аллагъли ❁ нушаб цлакъ габ!

Барибси гйбадатла кери бекйибтас бедни

Жалукъла-жал мурталра къябхлевдни балули биаллира, багъни тлалаб бирутира камхлебирарн.

Лейла Бахадори

Идбаглиц кери бедес асухлебирар, ил нушани бедибсилчи хияжати адам ахлен или биклуги адамтира леб. Ил бархъсив или хъарбиклуги леб муридунала цабехлгъазиб. Хисаб барая динна узби, иш адамла иманла загипдеш? Масала, рабитлалис гъалар дучлуги «Алхиямла» ва хиябал «Къулгъула» кери бегл гъалаб Идбаглиц бедая или, илизи устазунани багъахъурли саби – багъахъурси тахъярличиб бирутира саби. Ихи сабкъира, ца секлал хлебалуси бидгъякарли ибси гъай багъандан багъахъурли сунени бируси гйбадатличи шаквиклусира лев. Гъанна халбарая ишала иманна ва устазуначи уркли кабизнила загипдеш. Ва динна узби! Устазунани бара ибси секлайчи ташмишвиклуси мурид хейрар, даршал дус устазличил юлдашдеш дараллира. Ил изайс дарман дарес чилилра хейрар. Ил саби Идбаглира дарман дарес хейубси изала, гъалабра гъанбушибсири. Нушани бедибси секлайчи Идбаг хияжати херкур виклуси адам, ил бархъси саби илала чебкад эси гъайра агара. Амма хлуни балули ахленри нушани бируси гйбадат-тлалгъатличи сегъуналра хияжатдеш Аллагълара агни. Аллагъ иличи хияжати ахлен или, Аллагъли чердарибти шелра рукнуцун дузахъули, гъатли Ил разивириси гъямалра хлебарилли уалли гъяхсив? Нушани нушала бекйибтала рухланас хиялалбалтуси секлал бегл гъалаб Идбаглиц хиялалбатни мешубиркур, – цикъила баян барилли буралли, – ца сунес дигуси халал хъалибаргла вегл адамлис савгъат бархъниличил. Сунела уличибли бакйибси савгъат сунени берки уару дудеш! Савгъат дурхланас бархъили дудешлис хлебархъалли жагали бирару, яра дудешла уличил бархъили илини дурхланас бутни жагали бирару? Идбагра умматла дудеш сайну, илис бедили, хлушаб илини бутили бикибси дигахъидаяв, яра илис хлебедили хлушаб бутили бикибси дигахъидаяв? Илисра хлебедили наб гибси дигахъаси виклуси адам лев виалли, ну биалли виклусира ил адамла Иман таманси хлебирар-или. Идбаглицра хиялалхлебатурли сунела вебкйибси адамлис хиялал баталли асухлебиъни агара, хиялалбатурси баъхлебаънира агара. Амма ну вебкйили глергъи наб хиялал балтуси викладли, Идбаглицра асхиябтасра хиялалбатурли глергъи наб хиялалбалтули дигахъаси.

Хиясан аль-Басриличила

(бехлбихъуд – арбякъунси номерлизиб).

Хиясанна хасият ва Аллагълис тлалгъатбирни

Балликъянабазибад гъяхлтигъунти Аллагълизи тиладибикниличил ва адамтани сай табигинтазивад беглара гъяхлсигъунализи халирниличил хлехлеили, Хияса уркли урехили бицили бири. Илала ученикуназивад цали бурни хиясибли, сай Хиясайчи вакйибхлеили, илини илала бисала тлама бакъиб. Цацахлеили илини дехибала дирухлеили Хияса хлулбазирад нургъи дашули чедии. Илини виснила сабаб селизизбал Хиясайчи гъачам хъарбаиб. Хиясай жаваб гйб: «Дила урши! Висни ахли, се кавлули бусурманнис бареси?! Дила урши, бисали бусурман адамличил Аллагъли урклеци имцлабирахъу, эгер вирули виадли гъяму бисализир деркла ва илхлеили Аллагъли хлечи урклеци чеббихъу. Нушачи баиливан, Аллагълизивад урухклули висуси адамла хлулбазибад ца клантлалра бисала дурахлебиркур адам жагъаннаблизивад верцайчи». Язид бин Хушабли бурули вири, Хиясан аль-Басри ва Гумар бин Пябдулгъязизван Аллагълизивад урухклули адамти чебаибти ахлен или. Жагъаннаб чуспун пикрибарибси сабхеливан дири илдала куцкабиз. Язид бин Хушабли буруливан, Хиясай иб: «Эй Адамла урши! Аллагъличи хъябирис, хлуни Къуръан белчи ва иличи вирхаурри виадли, иш дунъяличибси хлела децл глеркъабирар ва хлела урехи цаъкъабирар ва хлела биса дахъдирар». Гъачам Хиясай гъяк-гъякиклуси глулхъа чеиб ва иличи дугъайзур: «Дила урши, хлуни Сиратл ахъили хлейиши?» «Ахленра», – жаваб гйб итини. «Хлуни багъурри, гъатли, хлу Алжанализи виркудал яра Жагъаннаблизил?» «Хлебагъурра», – жаваб гйб итини. «Хлебиалли, се багъандан дукарклули, челякълализир урехилати илдицад секлал лерли?!» Бурули бирар, ил анцбукълис глергъи ил урши гъачамалра дукарклули чеибси ахлен или.

Гъялимтазибад сасибси чеасла

Хиясай бурули вири, адамтази хлекъдеш аргъахъес ва илдицад селра дигъянхлебаряхъес Чевяхсилли гъялимтазибад чеасла сасибси саби или. Хиясайчи чебяхъси ил чебла таманхлебаряхъес дунъяличиб селилра хлебиуб. Сегъунтидигара аги-хияйзиб илини мурталра бархъдеш хлебурили хлебалти ва адамти хлекъдешличил жибири. Аллагъли гъуйчивад чеввалкунси яра хиялалагъдеш чедаибхлеили, адамтала уркъяхъунани яра сунела жайс урехи лебниличил ил лехлизяхъес хлебиуб. Исламла дунъяла пачахлуназив беглара къаркъазибад цали вирусир Хияджаж бин Юсуф. Камси такъсир багъанданра адам кавшес илини селизилра хлебири. Амма адамтази хлекъдеш иргъахънилизив Хиясан илинира тлашаэс хлейуб. Хаджаджли Иракълис беклдеши дирухлеили, Басрлис гъарахъли ахли мерлабиубси Васитл шагъарлизиб халаси клалгъя тлашбатур ва ил чебахъес адамти жибариб. Хиясанра ила арякъун, амма илала

мурад, цархилтазибад декларли, адамти иш дунъяла лебдешличил гъаргъдешличибад мяхкамбарни сабри. Хиясай клалгъя алавбирути ва илала жагадешли тамашабахъубти адамтала къукъни чедаибхлеили, илдаци ил вягъализил дугъайзур. Илини дурибти гъайлизир ишдигъунтира лерри: «Гъалар нуша хлерикутири жяргатани тлашбатурси секлайчи, пиргъаван беглара гъяхлси строитель сайлин чеибсири ва илини муртбиалра тлашдатуртичиб ахъси секлал тлашбатур. Илис глергъи Аллагъли пиргъаван уун. Эгер Хияджажли балуси виалри заклизиб хлерирутани сай увяхли чейули виъни, ванзаличиб хлерирутани биалли чула гапличил сай виргъавиргули виъни!...» Лехлизуртазивад цали, урухиубли, «Диур! Эй Абу Сягид, диур!» или тламадарайчи, ил илкъяйдали гъайикли. Хиясай илис жаваб бедиб: «Аллагъли гъялимтазибад чеасла сасибси саби адамтази хлекъдеш

ла лерилра суалтас жавабти гйб. Илис глергъи Хияджажли иб: «Хлу гъялимтала халалри, эй Абу Сягид!» Пур биалли халаси хлурматличил ил гъуниватур. Хиясан дураулхъухлеили Хияджажла къаравашуназивад ца гъамиубли иб: «Хлу кавшес хиядурбарибси тур чебаибхлеили, хлела клунтлубани сесабрил шивквивбарилли нуни чебаира. Се бурри гъари хлуни?» Хиясай жаваб гйб, «Нуни ира: «Ва дила Вегибекл, набчибси деклси манзил, хлуни набчи урклецибара ва хлуни глевуцаба. Хлуни Ибрагъимлис ца тяхлудешли ва даршудешли дилахъубли къайда», илала чеббирцини наб тяхлудешли ва даршудешли дилахъа.

Бегла глергъиси архля

Ца адам муэрти баяндиран машгъурси Ибн Сиринничи вакйили, мижитлизи арцан бухнабикили илабад беглара гъяхлси къаркъа арбухили



баянбирахъес ва илдицад селра дигъянахлебирахъес». Хияджажличил ил вягъализила хабар баибхлеили, ил жиндралавиуб. Ил сунела гъамтази вяв-чъярикесииб: «Хлушачи Басрла лугъразивад ца вакйили, сунени дурес пикридарибти секлал дурили сай, амма хлушазивад цалилра къаршидеш дарили ахленра! Аллагъличи хъя бирулра, хлуша нуни илала хили иркура, эй урухтусуни!» Илис глергъи илини Хиясан савкахъес полицайти бархъиб, жаллад живариб ва турра бекл чеббирхъуси хъитлара хиядурдарахъиб. Хиясан ухланавхъунхлеили ва сай кавшес хиядурдарибти секлал чедаибхлеили, илала клунтлубани серил шивквивбариб ва Хияджажла гъала гъарли марси гъабзаван тлашизур. Илхлеили илаб тамашавиэси секлал бетаур. Ил кавшес дигуси Хияджаж гъузгъалдивууб, сай кайибси мерличивад айзур ва сунела мерличил кайяхъес Хиясайчи тиладиухъун, сай биалли илала гъала кайили динна цацадехлти масъултачила хъарикесииб. Хиясай гъялимличил лайикъти гъабзадешличил ила-

муэр чебаъниличила буриб. Ибн Сиринни иб: «Хлела муэр бархъси биалли, вяхъхлянагарли Хиясан аль-Басри убклар». Жумяг дуги Ражаб базла бехлбихъудлизиб Гъижрала 110-ибил дуслизиб 89 дула гъямуриличил Хиясан аль-Басрини иш дунъя бархъбатур. Жумяг бархила дехлибайс глергъи, Басрала мижитлизир, сунезирра илини гъяхлцад дусми деркйибси, илала жаназала дехлибала дариб. Илис глергъи адамти ил хъярихъес арбякъун. Ил бархли Басрала жумяг бархила мижитлизир хлери глергъила дехлибала дарибти ахленри, ва илгъуна бетаурси ил мижитла тарихлизиб бегл гъалабси ва бегла глергъиси анцбукъ сабри. Сабаб? – шагъарла лебилра адамти Хиясан бегла глергъиси гъуйчи гъуниватес арбякъи, шагъар бацкабухъири. Кададали буриб: «Бурули бирар, ванзаличиб 7 лебти саби чучибли Аллагъли заб дирахъути ва чучибли Аллагъли ванзалантачирад балагъуни черардикути. Ва ну вирхула, Хиясан – илди 7-лизивад ца сайниличил».

Ибан туйчила Исламлизиб се бурули

(бехибхъуд – арбьякунси номерлизиб).

Ибан туй чебаихъули сурат кайсахъути ва дехибала дирухъели ил вяшбиклахъути адамтани Чевяхъиси Аллагъаларга ۞ чула ибан туйларга цадеш чебаахъес диганти саби. Идбагли ۞ дехибала дирухъели ишкъайда бирусири или бурути «чинад-сарил» даибти, цаличил ца дурусхедиркути чумал хиядис лерти сари.

Ансар Рамазанов

Илди биалли ташмишдеш алклахъути ва Аллагъ ۞ ца виъниличичи къаршидеш далахъути сари. Фитна бетхъеахъес багъандан илди хиядисуни гъанхъедуршис. Илкъайдали, леб ташмишкеси хиядис, сунезибра дехибала дирухъели ахъбуцибси ибан туй шайтгайс шанда гъуцгъуна саби ибси. Хиуша пикридухъеная, сен-сен урухбарес бирара туйлли шайтган, эгер дехибала дирухъели ил адамла ва илала рухъла урга кабизурли, лебилра чеббалкхъес къайгъилизи кабизурли биалли: «Гъарли-марли, шайтган адамлизичи бухънабиркур, илизичи хиван тинтибирар, ва мар-марли ну урухиубра илини хиушала рухълизиб се-биалра лайикъли ахъенци уббалта или!» (Аль-Бухари, Муслим).

Илди, цалис цали къаршидеш дирути хиядисуни дирухъели, адамтани дехибала беклибиубси мягъина – дехибала дирухъели имцати шикъ хедарни ва мукъурли виъни – хъумуртули саби. Аллагъла ۞ лагъличиб чебси саби мукъурли дугъа ва гъахъти баркъудлуми дурадуркес, сай мурталра Аллагъла ۞ мякълав виъниличичи хъумхертурли. Гъанна сагадан шурулхъула цаца-бехъти бусурмантала къалпти баркъудлумачи, ибан туйчил чули Аллагъ ۞ ца виънилис бикридеш дирулра или кабизурти.

Нушани имцали хъумуртулра нушала чархлизиб дин – иман – сунезиб лебси дигъла бутна лебниличичи. Расулулагъли буриб: «Марлира, нушала къаркъайзичи дигъла бишталси бутна леб, суненира, саби гъахъти биалли, адамра гъахъти ветархъуси, пайдагарси биалли, лебилра къаркъала заябурси, ва ашкарли ил

– уркъи саби» (Муслим, Бухари). Чевяхъиси Аллагъли ۞ иб: «... Аллагъли ۞ къалли хиушазир динничичи диги аклахъуб, ил хиушала уркъибази пергерсун минабариб, ва, гъайгъайра, хиушаб херхни, хъалдеш агни, мултигъейкни хейгидидахъуб». Илдигъунти саби Аллагъла ۞ уркъециличичили бархъси гъуйчиб башути. Аллагъ ۞ – Дахъал далан, Пасихкар сай» (49:7-8). Чевяхъиси Аллагъли ۞ нушала духънарти хъилани ашкарти сари. Илизибад сегъуналра пикри я хъул дигъанбарес хейрар.

– юлдашуназиб хияжатдеш агартази-вад сайра. Ну багъандан сегъуна-биалра гъахъдеш барили, ил чис-биалра багъиш-лабаралли, Нуни ил Наб сунени варгисби юлдашличил валтас» (Муслим, Зугъд, 46). Ишар гъай, илини Аллагълизирад ۞ ахъи, сунени бируси гъахъдеш чебаахъибсилизирад савгъатуни дирниличила сари. Адамтазибад се-биалра сархес, имцати анцбукъуназиб, дебали къиянни бирар. Сархалра, Аллагълизибад ۞ сархисбилацад къимат бирару илала?



Адамлис хъумартес асухъебирар сунела уркъила лерилра къасани Аллагъли ۞ гъахъти дигъниличичи. Илини лерил секайчти балуси Сай, лерил секал дикъути ва чедиути сари. Уркъи-гъаргдеш хедидали, адам абдал пикрумази ихъур, Аллагъла ۞ гъахъдешуни ва даимти гъамрула шабагъатуни адамтала гагъалалис ва илдази сай чейахъути уонтас дарсдарахъаес хъуликкар. Амма ахирра ахир, шабагъатуназивадра адамтала дигилизивадра ил мяхърумирар. Сенахъенну Аллагъли ۞ илала кибяхъандеш ашкардиру ва ил халкъла гъалав цахиру. Пергъисчи хиядисли ахиратлизичи кибяхъантала къиянги аги-къайдаличила бурули саби. Идбагли ۞ буриб: «Чевяхъиси Аллагъли ۞ иб: «Ну

Абу Гъурайрала насихъатличичи лехъахънира баибси саби: балликъянаби кибяхъандешлизибад сецад гъарахъли буилил багъес: «Дубуриуци адамли сай умудешлизив вихъес гъагъниси сай. Иличи хергъибхъели, ил дубуриуци виъни багъес гъагънили ахъен» (Бухари, № 1303). Расулулагъли ۞ буриб: «Чевяхъиси Аллагъ хиушала куц-кабизличичи, леб-дешличичи херхъейкарну, хиушала уркъиличи ва баркъудлумачи хериккар» (Муслим, Ибн Маджагъ, Зугъд, 9). Иш хиядисличичи дурусли, Аллагъла лугърас къимат лугъхъели, илила куц-кабизличичи ва ибан туйчи, дугъбачи, давлаличичи, херхъейкъули, илдала баркъудлумачи ва хъуланачи хериккес гъагъниси сай. Сенахъенну лерил

секал дай-уркъи саби. Иличил бархбасахъи, нушала Расулла ۞ махварниличичи пикри бяхъичаахъес гъагъниличичи саби: «Вирхусила къасани гъалар сари, илала баркъудлумачир,,» (Гъайсами, 61, Суюти). Нушаб Аллагъличи ۞ ишгъуна балгаличил дугъадилзес гъагъниличичи саби: «Вад ила Аллагъ! Нушала хъулани Хела уркъециличичил къабулдара. Амин!» Идбагли ۞ иб: «Аллагъ багъандан чили садакъа бед-лугъули виалра, Аллагъ багъандан чили къадагъабирули виалра, Аллагъ багъандан чили дигай дихъили виалра, Аллагъ багъандан чили гъимили вицили виалра, Аллагъ багъандан чили хъунул карилара, илини динна мурхъдешуни сархили сай» (Тирмизи).

Ил анцбукъли нушази бурули саби гъахъдеш барес уркъи-уркъилабад къасбарнича сегъуна къадри лебал. Хъуликни уркъи ва пикриикни ибти мягънабачил бархбасни багъандан, иличила ахъли гъайикни яра ибан туйчил чебаахъни чарагарси шарт ахъен. Амма, эгер вегъла хъул ахъли бурили, ил уркъи-уркъилабад хъебиалли, ил къабулбурси ахъен.

Чевяхъиси Аллагъли ۞ нушала уркъиларти бегларга мурхъти хъуланачила бални багъандан, таша-гъуд бучхъели ибан туй ахъбуцес гъагънидеш агара, хаслира къахъализичи лебтазира чебаэсли. Чевяхъисили ۞ илала хъекълизичи буриб: «Марлира, илини ахъли дурути дугъбачилара балули сай, хедурили дигъандарибтачилара» (21:110), Бусъгъат имцати бирхантани цархилти бусурманти чебаибхъели яра суратуни кайсахъули, чула ибан туй ахъбуцули саби. Хердизирая Интернетличичи, илдигъунти, секал хъебалути, дебали бахъал саби! Илкъун адамтази сай чеахъес дигни саби. Хела гъахъти къасани уркъиличил дихъен.

Аллагълизи ۞ дугъаилзес гъагъниличичи саби мукъурли ва дигъанали, лебтанилра аргъесли тламливиркъули ахъи. Аллагъли ۞ иб: «Бура: «Дегъличил ва урхъначир хиуша цъабдешуназирад чили уцахъура, «Эгер Илини нуша дерцахъахъелли, сеннира Илис дезадикхъел!» – или хиуша Иличи мукъурли ва дигъанали дугъадизадалли» (6:63).

Аллагъла ۞ хикматуни

1 « Пяли гъатира тамашавиуб, ил шалила гъела шайчи херизурхъели, илаб "Мухъаммад" ибси белкйра чебаибхъели. Сунела хиулба чебаибсиличичи хилхъи вирхъалра Пялини варъала ил шали Чиркейлизив херируси гъарикъатла шейх Сягъид-афандичи бухиб. Ил анцбукъличили итхъели Дагъистайзир дурадурхъути газетабазичи белкунсири ва илди белкйначилсир варъала шалила суратуни кадяхъибтири. Ил секайчира азирти адамти тамашавиубтири.

Тамашала мукъара

Дагъиста дубургазисчи Цунтйила районна Шапихла шилизичи хербирути Мухъаммадовхъалас жакъали тамашала мукъара баркъиб. Мукъара цудара сабри, амма илала шайзичи цубли "Аллагъ" или белкйри. Мукъарла беггани илала тамашала вяшатгайчира пикри бяхъичаиб: ил цархилти мукъарчил бархбиркули ахъенри ва мурталра адамтала мякълаб биэс гъазализибри. Мукъара умуси мерличичи ахъенси я буули ахъенри. Мукъарла шайзичи "Аллагъ" ибси белкй беггъалаб хъисиббарисир хъа вегъла узила уршили, сайра шилизичи мадрасализив учуси. Мукъарла канилизичи цубли декларбулхъуси са-



габиубси бащичи мешуси, сурат лебри, бекличичи биалли цуба пискъапала сурат сабри. Ил тамашала мукъарличилара хабар къалабали тинтибиуб ва ил чебаэс алавчарти шимазибад бахъал адамти музабухъун. Дагъиста дурабад булан музабухъунти лебри, масала, Самара, Тольятти ва цархилти шагъургазибад. Ил мукъара адамтази чебаахъес Дагъиста гъахъдеш

шимази букибсири ва ил чебаибхъели адамти лебгъеб тамашавирутири. Мукъара бицалли, халас багъа бедес хиядурти булан бахъал лебри, амма Мухъаммадовхъали ил бицес къабулхъебикиб. Ил дурхъначил хиязтабиркъулри. Гъайла къантла, Мухъаммадовхъали тамашала мукъарличичи чула хъалибаргла членничиван хербикулри. Ил муридешуна булан балхулри. Баягъи ил дуслизичи балуй шайзичи "Аллагъ" ва алгъай шайзичи "Мухъаммад" ибти белкйни лерси мукъара баркъиб Тляратала районна Гведишла шилизичи хербируси Пябдулгъаур Пябдулгъазизовхъала хъалибарглисра. Марлирагу, тамашала замунти дакили сари, Къудратла Вегъли адамтази сунела хикматуни чедиахъули сай. Адамтасра Аллагъ ۞ имцали гъаниркахъес чебиркур. Нуша севан хердирутирал пикри-дулхъахъес ахъенара илдигъунти анцбукъуни кадиркахъути? Аллагъ ۞ икъалавиаб нушаб бархъси гъуйчирад черхъедалкйи дашахъес!

(Хъарахъуд бирар)

Хьунул адамти жумагъла дехлибайчи башни

Иш гъанбушибси гьибратлизибад иргъуси секлал, хьунрани жумягъла дехлибала дарес асубирни саби, хъерила дехлиба мерлар. Шуртгъри тамандарили, камилти адамтачил дарибти жумягъла дехлибала диалли, кинайс хъерила дехлибала дарес гъягъничи хъебиъни. Жумягъла бархли хъерила дехлибала дарниличиб, жумягъла дарни дурхъаси биънира хьунрас.

Шейх Сагид-афанди аль-чиркави

Идбагли ﷺ или сай: «Хьунул адамти мижитла бакнилизбад чармабиридая» или. Пятикат бикъуси хьунул адам мижитла рашули руили сари. Кинайс ил, Хъайгъир руъни маслихъатли чебаибхъели, хъайгъир руули руили сари. Хьунрачи жумягъла дехлибала черхледарни, илди мурул адамти цалабикибси мерла цалабиркес асухебирни саби! Хьунрас хъайгъиб буъни дебали гапбарибси саби.

Сеннира, мижитла башути хьунрас унзара декларли биалли, пардавра чекахъили, чеббяхъили барибси мерра биалли, шяргъла тахъярличир далдикибти палтарра диалли, жамагъатла дехлиба кери баъницунра ахли, вягъиза-насихъят бакъес илдира хъяжъатли биъни халбарили, илдази мижитла макъдая или эс сен бетарара? Хъайгъиб калаллира илдас бируси гъяйибра агархъели илра халбарес гъягънибиркур. Мижитла хъякъи, хъайгъиб жамагъатла дехлибала дарес асубирару ибсира бахъли хъарбиуси секлал саби. Хъайгъиб дурхъли – хъалибаргличил, гъягъла-юлдашличил жамагъат барили бараллира, 27 дехлиба кери биур. Амма мижитлаб барибсила дурхъадеш имцъали бирар. Мижитла укъяс гъузру биалли, зягъипикили яра ахъял-юлдаш вакъили илдас къуллукъбирули калалли, гъарахълира сайли мижитла укъяс къияннира биалли, жамагъат хъайиб биру. Имкан лебси, ахъри бакъибси адам виалли, мижитла аркъян. Хъайгъибра жамагъат асубирар или лебилра хъайгъиб буалли се бетарара?

Мижитла укъяс виубцада къайгъибара, ил саби Аллагъла ﷻ хъали.

Муруй имамдеш дарили, хьунуй дехлибала даралли, жамагъатла кери биур. Балугъдешличичи хъеибси адамличил дарх дараллира (дурхъначил) жамагъат бетарар. Амма хъайгъибра буили гъарилли сунес сунени дехлибала дарни халаси гъягъниагардеш саби. Ил саби чула ургаб шайтлай хъянчи барибси замана.

Ишаб гъанбушес гъягънибиркули саби, хьунрас хъяжълизи букъяс асубирнила суалра. Исламла рукну – бегъ гъалаб бируси хъяжъ биалли, – хьунрас мяхърам агарли хъяжълизи букъяс гъарзаси ахъенси гъуни леб. Амма фариза таманбиубли гъергъи викъалли, рукъяс хъярамси саби варх мяхърам агарли – дудеш, урши, узи, дудешла-нешла узи. Аллагъ ﷻ разивънира, кери баънира, даража-макъамра, лерил бунагъуни дирцнира, шаргълис гъергъи ардукънилизиб бирар, нафслис дигуси барнилизиб хъебирар. Шаргъли бурибсилес гъелабад башули биалли хьунул адамти, чебси хъяжъ барили гъергъи хъайгъиб буэс гъягънибиркур. Мяхърамличил барх гъар дус башесра ихтияр леб. Нешличибад, дудешличибад бирутира или, хьунул адамти хъяжълизи башни нуни бархъли чебули ахъенра.

Гъаннара суал алкъули саби, дурала пачалихъунази вачар барес башути хьунрала чебкъад. Илди я шаргъли хъялал барниличибли, я чилилра ихтияр бедили башули ахъен. Илдас ихтияр бедлугути, сен-сен бикаллира, чинад бикаллира, мас бикалли биути чула муйлани саби.

Тамаша бизеси анцъибукъ ахъену, муйлани саби хъули кабиили, хьунри жумягъла, бацра беркъахъес вачарли бурхъни. Хьунри хъайиб батурли саби сен хъебашутив?

Яра келра бархалра букъяс гъягънихъебиркуру? Аллагъли ﷻ уркъецли бараб.

Хьунул адамти хъябрачи зияратли башес асубирару?

Хъябрачи зияратли букъяс мурул адамтас асубирар, суннатсира саби. Зияратли букъяс бегълара дурхъаси заманара хамис бархли дакъайс – жумягъла дуги, лебилра жумягъла бархли, ва сут бархли савлира саби. Цацабехъ гъялимтани, зияратли хъябрачи вякъни дурхъаси дуги саблин, итни дугира бейгъли саби.

Шейх Сагид-афанди аль-чиркави

Хьунул адамтас биалли, хъябри шила духънар диалли чус пун букъяс, шила дублар диалли махърамличил (гъамтачил) барх зияратли букъес асубирар, идбагунала, гъялимтала, валибала ва гъамти адамтала хъябрачи. Илдигъунти ахъентала зияратличи хьунул адамти букъни, шилизиб биаллира карагъатли саби. Илкъяйда хьунул адамти зияратли башес асубирнилис шуртгъира лер: мура яра сунела валила изну биъни, гъунчибад аркъу-лябкъухъели палтарла шайзибад шяргъличи балбикибси хъяйчибиъни, хъябрази бетайбхъели дунъяла хабурги дурхъедурни, илаб бисихъебиъни, мурул адамтази гъудурхъебиъни. Ишди гъандушибти шуртгъри дихъидихъялли зияратли букъни хьунрас хъярамси саби. Иш тахъярли зияратли башути



хьунрала хъекълизиб илдас лягънат бушили бакъибси Идбагла ﷺ хъядис леб. Къантгъли буралли, зияратли вякънила мурад саби: бекъибтас балга барили, ахъри бакъибси гъуна Къуръанра белчи, ва нушара дубкъни уркъила бакъахъни. Ишдигъунти шуртгърачил ахъенти хъябрачи зияратли букъни изну агарти хьунри, дунъя алав барили вачарбарес башни сен-сен биэсара? Аллагъли ﷻ тавфикъ бараб хьунрас, муйлани чус кабихъибсира баахъили, хъулиб калахъес. Че виаллира жумягъла бархли неш-дудешла хъябличи вякъи «Ясин» белчи, ил адамла «Ясинлизиб»

лебси гъай яра хъярпла лугъицада бунагъуни ицу. Мицъирли лебси замана неш-дудешлис къяянулхъули уибси, илди бекъили гъергъи илдада бунагъуни урдуца или балга бирули виалли, ил халиру неш-дудешлис гъягъдеш барибсилези.

«Аятул курсию» белчи, хъябрала агъулис хъялал баталли, Аллагъли ﷻ гъарил хъябла духъна авцъали нур кадурхахъу, илдада хъябрира гъарзадиру. Цархъилра риваят леб: хъябрала агъулис, белчи «Ясин» хъялал баталли илдада хъябла гъязаб кункъибрар, илди хъябразиби адамтала лугъицада керира биур, ил адамлис, – или.

Ятимтала маслизибад садакъа бирни

Ца адамли сай вебкъили гъергъи гъягъли шайчи берхахъес васият барибси мас, ятимтала хъебирар. Хъябал бутъала ца бутъаличиб имцъали хъебиали, ил васиятличичи балбикахъили, гъягъли мерла берхахъес гъягънибиркур.

Шейх Сагид-афанди аль-чиркави



Хъябал бутъала ца бутъаличиб имцъабубси васият ца адамли барили виалли, илала биштлати балугъличи хъебаибти ятимтира хъебиали, – лебилра варисуни балугъличи баибти халати биалли, хъябал бутъала ца бутъаличиб имцъаси къадар, варисунала разидешличил асубирар вебкъибсилес гъергъи берхахъес,

амма илди разихъебиали асу хъебирар. Амма балугъличи хъебаибти ятимти биалли, сецад камси васият биаллира васиятлизиб лебсилечиб, ца кепекалра имцъа барес асухебирар. Ил саби ятимтала мас. Вебкъибсилечиб чебла биалли, васиятличичи къячхъейки, – тарикатлизибад (вебкъили

шуси саби цархъил магъишатра деклардеш агарли, дурхънас маслигъатли биубси мерличичи ахъенси харж хъебиру. Илдас бакъибси: закат-сахъ, садакъа-хайрат, илдазибад нешли беркес асубирар, исраф барес асухебирар. Дурхънала нешлис садакъа барес ихтияр леб сари регъси маслизибад, дурхънала ва дурхънала дудешлайзи бархълебасунси. Масала, сари рузули бакъибси харж, пенсия, хъу бегъи, сунела къяййчибли сунени барибси яшавгъуна. Чус биуси ирсла къадар садакъа барес дигутира бирар цацабехъ ятимти бихъути нешхъали. Ил асухебирар. Ил асубиэс гъягънибиали илис шартли леб, ил шартли саби, ирсра барили гъариллис биркуси къадарра декларбарили гъергъи. Илхъели асубирар дурхънала нешли сунес биркуси къадарла сунес дигуси барес. Ирсра хъебутили, мас ургаб лебли асухебирар. Масала: ил гъинцлизиб дилара гехъел бутъала ца бутъа лебсину или ил гъинцлизибад гехъел бутъала ца бутъа къисбарили гъела убасалли, икди дурхънала нешли ил къисбарили касибси бутъализибра бирар лебталалра пай. Ил багъандан мас бутъайчи сари ахъулали касибси масла ил регъли ретарули ахъен, сари регъли ретхъеурси масла садакъа барес асухебирар. Пенсиялис бакъибси арц васиятлисра асубирар, гур цархъил дигусилисра асубирар.

Ассаламу гялайкум! Нуни балуазивад чи-биалра вебкялалли, илис «Салат аль унсла» дехибала дарес, илис кумекли биахъес багъандан. Ил секлайчила адамтази бурибхели, хьунул адамлис мурул адам багъандан «унс» дехибала дарес асухебирар или илдани буриб. Ил дехибала барес чис асухирусил ва чис асухебирусил багъес дигахъира.

Вагялайкум ассалам! Вебкялалли адамлис сай хябла кай-хьибси беглар гялабил дугиван кьяниси дуги агара. Хушани иличи уркецли барая садакьа барниличибли. Бедес секлал агара биалли, кел ракагятла дехибала дарая. Келра ракагятла Алхямлис гьегъи, «Аятул курсира», «Алгьакумура», «2 Кьулгъура» делчи! Салам бушили гьегъи, илди дехиба кери, пуланла хябичи баахъа, Аллагъ ﷻ, или балгара барили. Ихди дехибайс иру, хябла урки ахъни-ла дехибала – или. «Салат аль унс» дехибала дарес чизиб дигара ихтияр леб, дигалли мурул адамлис, дигалли хьунул адамлис. Гьайгъай, ил гьамси адамли (дудешли, уршили, хьунуй, муруй) баралли гялхси саби.

Ассаламу гялайкум! Наб дехибала дирес дигула. Илгъуна барес багъандан дила гьарил секлал лер. Ца диргалабулхъуси секлал леб – бегти... Ну дехибала дирес рехрихъира, савли ил барира, геларти дарес бетхлеур – белчуди диргалабухъун. Илди кинайс дарес асухирусив, бегти бускаи гьегъи?

Вагялайкум ассалам! Сегъунти-дигара кьяндешуни кьаршидиркули хьалли дехибала дирес ху кьаслизи каризни дигеси саби. Ил багъандан ху Чевяхъисили ﷻ шабагъатларирури. Хела гьайлизибад аргъесли саби хела бегтас хуни дехибала дарилли дигули ахен. Ил секлайчи кьакьамарикуд, дехибала тамандиубли гьегъи Чевяхъиси Аллагълизи ﷻ балга бара дехиба ва динна кьадриличила илдази аргъахъес багъандан, иншааллагъ, бусагъят ил секлал бетхлеура, багъла-багълалли илдала динничи пикри барсбирар. Гьанна дехибала гелайзи ардхес асухириличила. Ид-багла ﷻ хядислизиб белкли саби: «Беглар гялхси баркьуди – сунела заманаличир дехибала дарни» («Жамигуль ахадиси», №3953). Ил багъандан, рузи, имкан леб биалли, дехибала сунела заманаличир дарни гялхси саби. Илкьяйда барес херирадди, кьай дехибала даресра рируд, бегти бускаунхели. Ишаб дехибала дирнила заманаличи пикри бяхъичагъ гялгьибиркур. Савлила ахенти дехибалала замана итил дехибалала замана баайчи бухъанбилтан. Херилала дехибалала замана бархехъла дехибалала замана сабаайчи бухъанбилтан, бархехъла дехибалала илис гьегъиси дехибалала замана сабаайчи... Савлила дехибалала замана бухъанбилтан шаладикайчи. Дехибала дарес имкан лебли, ил балу-балули гелайзи арбухес асухируси ахен. Херели дирути дехибала дугели диресра асухирути ахен. Кали диалли илди сеннира черахъес гялгьибиркур.

Дехибала дирухели рурсили сунес сунени азан белчлес асухирусив?

Сунечил тухумдеш агарси мурул адам мякьлав агархели сунела яра хьунул адамтани дирути жамигъатла дехибайс или белчлес асухирури. Илкьяйда дигъай азан бучнилизиб селра вайси агара. Амма ахъли азан белчлес асухируси ахен (хяграм саби ил). («Иганат ат-галибин» жуз).



Бусурман ахенси (капур) адам дубуцали, илала дубуцари бархъив?

Бусурман ахенси адам-ла яра мунапикъла (дин лайбаклибси) дубуцари гьарли-марси ахен. Амма бусурман ахенси адам-ли (капури) ислам дин кьабулбаралли, илини купрулизивхели дархъдатурти дубуцари чердуцес черти ахен, мунапикълиси биалли, сагадан ислам кьабулбарибхели, сунени дин бархъатурхели уркалунти дубуцари чердуцес черти сари. («Фатхул-Гяллам»).

Суннатла диубти дехибала черахъес асухирусив?

Суннатла дехибала кел бутгаличи дултути сари: 1) заманаличил дарххедасунти; 2) хасси заманаличил дархдасунти. Заманаличил дарххедасунти дехибала черхехъесра асухируси саби. Заманаличил дархдасунти «зухла» ва «вигр» ва црхилти черахъни гялхси саби. Идбагли ﷻ бурибси-ри: «Витрула ва цархилти гялгьинити дехибала хедарилли усаунсили илди шак икибмад дарни гялхси саби» (Абу Давуд).

Ассаламу гялайкум! Арбьякунси дуслизиб дила кьал дебали зягипбикиб, илала канилаб 6-7 баз биубси кьачара лебри. Кьал арабиалли илала кьача «кьурбайс» белгъес чесира. Аллагълизи ﷻ шукру, кьал аракабиуб. Ишаб ца секлал хергъула. Сецадхли биубхели белгъес гялгьинили или «кьурбайс» ва илизибад дила хъулиб се биалра батес асухирусив?

Вагялайкум ассалам! Кьурбайс лугъуси хяйван (кьал, бугъа) биалли кел дусличиб камли хебиубли биес гялгьиниси саби. Цархил тяхярли кьурбайс лугъутиван илра буртгуси саби. Хедра, хела уркили кьабулбарисби бутла хъулиб батес асухирури.

Нажас (нясдеш) цархил шинкядешли умубарес асухирури шинничил ахенси?

Нажас умубарес асухируси саби чянкли умути, гьалар пайдалахедарибти шинничил. Амма имам Абу-Хянифала мазгъаблизиб нажас чидил-дигара шинкядешли умубарес асухирули саби.

Кьуръан хясибли пал дуршутти адамтачи дугъайзес асухирусив?

Кьуръан хясибли пал дуршутти ахен, илгъуна бируси бусурманти биргябиргуси кьумбар сай. Бусурмантала дагъри агниличил пайдалабиубли илдани чучи пикри бяхъичахъули саби. Динничи хебирхутани бархли аятуни уркиличир дяркьурли адамти бирхарахъули саби. Ца бусурман узила хьунуй Кьуръайчи пал дуршниличила аргъили сари ва иличи укьахъес муруйзи тиладибарилли сари. Секъайда пал дуршулил багъес муруллара иштяхъудхъун ва разикиб. Мадрасализив учули калунси илис цацадехити Кьуръа жузи делчлес балулри. Хьунуйчил или адам палчичи ваклибхели, палдуршуси гярабла грамматикала «Унумузаж» жуз сабни илис якъинбиуб. Палчини или балкли буцилри, иличибли багъеслри илини гярабла мезличил учесра бархли балули хебиъни... Ил багъандан, хурматла узбира рузбира, палчи-бала кьумбачи дирхмарудая. Имам аль-Бухарила хядислизиб бурили саби: «Аллагъла Расуллизи е адамтани пал буриничила хьарбаили сабибхели, илдас илини жаваб бедилли сай: «Илдала гьайличи дирхмарудая». Илхели илди биклули саби: «Илдани нушази дархъти секлалра дурулигу». Идбагли ﷻ жаваб бедиб: «Цацахели илдани дурути дархътира дирар, илдала лихилизи жинжли дигъай бурибси саби или. Амма или бархъешличил илдани дахъал кьамбира дуру» (дахъалгъунти илдани дурути кьамби сари, или багъандан илдачи вирхарес асухебирар).

Хижрала чумъибил дуслизиб чеблибиубси бетаурсив дуббуцари?

Чевяхъиси Аллагъли нушала умматлис дуббуцари хижра хясибли кийибил дуслизиб хьарбариссири. («Фатхул-Гяллам»).

Хурматла узби ва рузби!

2012 ибил дуслис «Ас-салам» газеталис кьулбасбирес даимбиубли саби.

Газета кьулбасбарес вирар чиди-дигара почтала отделенилизиб. Илкьяйдала Дагъиста лерилра районтазибти нушала хянчизартачибад.

«Ас-салам» газета кьулбасбирули, Дагъистайзиб Ислам тинтибирнилизил хушалара пай кабирхъула...

Кьудратла Веги Аллагъли хушала уркибазиб иманра Исламла динничи дигира имцадараб.

Дула духнар дурадлухъути газетабала багъни бузри хясибли дарсдиклар!

Дирхулра, нушала бучантиса газета агарли кахлевлан.

Рузнама

Апрель

дни	Утренний Ас-Субх	восх.	Обеден. Аз-Зугър	После-обеден. Аль-Гаср	Вечерн. Аль-Магъриб	Ночной Аль-Гийшаъ
1	4:50	6:29	12:53	16:27	19:18	20:44
2	4:48	6:27	12:53	16:27	19:19	20:46
4	4:44	6:23	12:52	16:28	19:21	20:49
6	4:40	6:19	12:51	16:29	19:23	20:52
8	4:36	6:16	12:51	16:30	19:26	20:55
10	4:32	6:12	12:50	16:31	19:28	20:57
12	4:28	6:09	12:50	16:32	19:31	21:00
14	4:22	6:05	12:49	16:33	19:34	21:04
16	4:18	6:01	12:48	16:33	19:36	21:07
18	4:13	5:58	12:48	16:34	19:38	21:10
20	4:10	5:56	12:47	16:35	19:40	21:13
22	4:05	5:53	12:47	16:35	19:42	21:15
24	4:01	5:50	12:47	16:36	19:44	21:19
26	3:57	5:47	12:47	16:38	19:47	21:23
28	3:52	5:44	12:46	16:38	19:49	21:26
30	3:49	5:41	12:46	16:39	19:51	21:29